



Broj: 01/3-50-1-3-19/08
Sarajevo, 23. april 2008.godine

Z A P I S N I K
19. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 23. aprila 2008. godine

Sjednica je počela u 15 sati.

Sjednicom je predsjedavala predsjedavajuća Komisije Snježana Rajilić.

Sjednici su prisustvovali članovi Komisije: Mehmed Suljkanović, Jerko Ivanković Lijanović, Slavko Jovičić, Jozo Križanović, Šemsudin Mehmedović, Salko Sokolović i Ekrem Ajanović.

Odsustvo je opravdao Hadži Jovan Mitrović.

Sjednici je, također, prisustvovala Lamija Kozarić, direktorica Izvozno - kreditne agencije BiH (IGA), i Emira Češljar, sekretar Komisije.

Za sjednicu Komisije predložen je i jednoglasno usvojen sljedeći

D N E V N I R E D

1. Usvajanje zapisnika 17. i 18. sjednice Komisije,
2. Razmatranje Izvještaja o radu Upravnog odbora Izvozno-kreditne agencije BiH (IGA) radi dostavljanja Mišljenja Predstavničkom domu,
3. Dogovor o planiranim aktivnostima Komisije o realizaciji posjeta zemljama potpisnicama Sporazuma CEFTA 2006.

Ad.1. Usvajanje zapisnika 17. i 18. sjednice Komisije

Zapisnici 17. i 18. sjednice Komisije usvojeni su jednoglasno, bez primjedbi.

Ad.2. Razmatranje Izvještaja o radu Upravnog odbora Izvozno- kreditne agencije BiH (IGA) radi dostavljanja Mišljenja Predstavničkom domu

Na osnovu člana 14. stav (3) Zakona o osnivanju Izvozno-kreditne agencije Bosne i Hercegovine, Upravni odbor Izvozno-kreditne agencije Bosne i Hercegovine („Službeni glasnik BiH“, br. 62/04), dostavio je, 2.4.2008., Parlamentarnoj skupštini BiH Izvještaj o svom radu za 2007. godinu.

Vijeće ministara BiH je, na 44. sjednici, održanoj 10.4.2008., razmatralo i usvojilo Izvještaj o radu Upravnog odbora Izvozno-kreditne agencije Bosne i Hercegovine za 2007.

U raspravi su učestvovali: Ekrem Ajanović, Slavko Jovičić, Jerko Ivanković Lijanović, Jozo Križanović i Mehmed Suljkanović.

Lamija Kozarić, direktorica Izvozno- kreditne agencije BiH, kao uvodne napomene istakla je da: Agencija radi 11 godina relativno uspješno i da je sjedište Agencije u Sarajevu, s filijalama u Mostaru i Banjoj Luci. Budžetska sredstva kojima Agencija raspolaže veoma su ograničena, te bi od velike pomoći bilo da je zakonom precizno definirano da država Bosna i Hercegovina pruža zaštitu Agenciji.

Ekrem Ajanović rekao je da podržava ideju da se pokrene inicijativa da država osigura veću potporu Agenciji.

Slavko Jovičić naglasio je da je potrebno imati elaborate Agencije kako bi se više saznalo o ovoj problematici. Postavio je pitanje kako država ne stoji iza Agencije ako je ona osnovana Zakonom o osnivanju Izvozno- kreditne agencije BiH usvojenim u Parlamentarnoj skupštini BiH.

Lamija Kozarić objasnila je da je osnivač Agencije Bosna i Hercegovina s entitetima koji osiguravaju početni kapital srazmjerno iznosu iskorištenih sredstava Svjetske banke i sredstava donatora. Nažalost, sredstva kojima Agencija raspolaže prilično su ograničena.

Jerko Ivanković Lijanović rekao je da se mora voditi računa da država kao bankar ne može biti dovoljno efikasna kada je riječ o privatnim kapitalima.

Jozo Križanović konstatirao je da se, zbog ograničenog trajanja sjednice Komisije, za ovo pitanje ne može naći adekvatan odgovor. Predložio je da se o ovoj temi raspravlja na narednoj sjednici Komisije, uz mnogo više elaborata i informacija.

Mehmed Suljkanović zatražio je pojašnjenje šta tačno znači skraćenica „IGA“ a direktorica IGA-e objasnila je da je „IGA“ skraćenica iz engleskog jezika i da predstavlja Izvozno- kreditnu agenciju BiH. Skraćenica se nikada nije u zakonu prevodila na jezike u službenoj upotrebi u BiH, s obzirom da je Agencija prepoznatljiva pod ovim imenom.

Nakon rasprave, Komisija je konstatirala da je Upravni odbor IGA-e svoje aktivnosti u 2007. izvršavao u pravcu nesmetanog poslovanja u okviru djelatnosti Izvozno-kreditne agencije BiH.

Komisija jednoglasno je **z a k l j u č i l a** da prihvati navedeni izvještaj i predloži Predstavničkom domu usvajanje Izvještaja o radu Upravnog odbora Izvozno- kreditne agencije Bosne i Hercegovine za 2007. godinu.

Ad.3. Dogovor o planiranim aktivnostima Komisije o realizaciji posjeta zemljama potpisnicama Sporazuma CEFTA 2006.

Predsjedavajuća Komisije Snježana Rajilić napomenula je da su u okviru planiranih aktivnosti, na osnovu usvojenog Orijentacionog radnog plana Komisije za 2008. godinu, planirane posjete članova Komisije zemljama potpisnicama Sporazuma CEFTA 2006., koje nisu realizirane u 2007., i da je u vezi s tim obavila preliminarne razgovore sa svojim zamjenicima. U **maju i junu** 2008. godine planirana je ponovo posjeta Republici Hrvatskoj, s kojom BiH ima veliki vanjskotrgovinski deficit, Republici Turskoj i Republici Crnoj Gori. Posjete Albaniji i Moldaviji planirane su nakon godišnjih odmora, dok će posjeta Republici Srbiji biti realizirana nakon izbora u toj zemlji.

Članovi Komisije jednoglasno su usvojili sljedeći **z a k l j u č a k**:

Zadužuje se sekretar Komisije da, u saradnji sa Sektorom za međunarodne odnose i protokol, uskladi termine navedenih posjeta. U delegaciji će biti tri člana. Sastav delegacija bit će određen naknadno.

Sjednica je završena u 15,30 sati.

Sekretar Komisije
Emira Češljar

Predsjedavajuća Komisije
Snježana Rajilić